



Uunga siunnersuut: Nuup kiisalu Qasigiannuguit Aasiaallu pilersorneqarnerannut erngup nukinganik nukissiorfinnik taakkunungalu atatillugu atortunik sanaartornermut, aningaasalersuinermut ingerlatsinermullu killiliussatut atugassarititaasut pillugit Inatsisartut inatsisaat allanngortinneqarnissaa pillugu Inatsisartut inatsisaat (Nunalerinermut, Imminut Pilersornermut, Nukissiuutinut Avatangiisinullu Naalakkersuisoq) Siullermeerneqarnera)

Ataavartunik nukissiuuteqarneq eqqarsaatigalugu maani Kalaallit Nunatsinni siuttuunerput Demokraatiniit nuannaarutigingaarpaput. Nuannaarutigissavarput sarfatigut atuinerput ataavartunik nukissiuuteqarnermiit pinngormat.

Tamanna tunngavigalugu Nuummi, Aasianni Qasigiannuanilu imeq aallaavigalugu nukissiuuteqarnermut aningaasaleeqqinnissamut piareersimavugut.

Milliardilikkaanik aningaasaliisoqartussaammat eqqummaariffigaarpaput aningaasaliinissamut nunatta avataaniit aningaasaliisartunut saaffiginnittoqassammat. Aningaasaliinerit pitsaasuuneri aammalu inuiaqatigiit aningaasaqarnerannut iluartuusut eqqummaariffigaarputtaa.

Nunatta karsianit aningaasanik atuingaatsiartussaanerput pillugu isumaqatigiissutigisinnaagunarparput aningaasanik atornissatsinnut aaqqiissut akikinnerpaaq aammalu ernianut akiligassat akikinnerpaajunissaannut ujrtuinerput pitsaasuummat.

Tamanna tunngavigalugu tamakkiisumik ilaannakortumilluunniit suliffeqarfiit pisortanit pigineqartunut aammalu Nukissiorfiit imaluunniit suliffeqarfik pisortanit pigineqartumut sanaartornermut inatsi malillugu sanaartorneq, aningaasalersuineq aammalu ingerlatsinermut tunngatillugu aningaasanik atorniaqqinnissamut akisussaaffik tunniunneqarnissaa siunertaralugu Inatsisartut Inatsisaanni allannguisoqarnissaa isumassarsiatsialattut isigaarput.

Tunnavippiarivaa akikinnerpaamik aningaasanik atortoqarnissaa anguniarneqassasoq.

Taakku tunngavigalugit siunnersuut Sanaartornermut Ataatsimiitsitaliamut suliareqqinneqarnissaa innersuussutigaaarpaput.